



REPUBLIKA E SHQIPËRISË
BASHKIA ROSKOVEC
DREJTORIA E MBROTJES CIVILE

Nr. 897 prot

Roskovec, më 24.10.2025

PROJEKT-VENDIM

NR ____ . DATË 24.10 2025

PËR

MIRATIMIN E PLANIT VENDORE PËR EMERGJENCAT CIVILE
BASHKINË ROSKOVEC 2025 -2030

Në mbështetje të Ligiit nr.139/2015 “Për Vetëqeverisjen vendore”, i ndryshuar, Neni 54 “Detyrat dhe kompetencat e këshillit bashkiak”, pika k “ Miraton norma, standarte e kriteret për rregullimin dhe disiplinimin e funksioneve që janë dhënë atij me ligj, si dhe për mbrojtjen e garantimin e interesit publik”, Ligji Nr.45/2019 “ Për mbrojtjen civile” VKM nr 807, datë 28.12.2023 Për Miratimin e “ Planit Kombëtar për Emergjencat Civile”, Bashkia Roskovec ka hartuar “ Planin Vendor për Emergjencat Civile 2025-2030” e cila është në përputhje të drejtpërdrejtë me “ Planit Kombëtar Për Emergjencat Civile”..

Ju paraqesim për diskutim dhe miratim:

1. Miratimin e “Planit Vendor për Emergjencat Civile Roskovec 2025-2030”.
2. Pas miratimit të Planit Vendor për Emergjencat Civile ngarkohet Drejtoria e Mbrojtjes Civile, Sektori i Mbrojtjes Civile për zbatimin e këtij Projekt-Vendimi.
3. Dokumenti të publikohet dhe të bëhet i aksesueshëm për të gjitha drejtoritë përkatëse dhe për publikun, si dhe të përdoret si referencë në hartimin e planeve dhe strategjive të tjera zhvilmore.

Konceptoi: A .Toska

Miratoi: A. Dukaj

Konfirmoi: M. Goga

Për Drejtorinë Juridike: V. Zego

KRYETAR
Majlinda Bufi



REPUBLIKA E SHQIPËRISE
BASHKIA ROSKOVEC
DREJTORIA E MBROJTJES CIVILE

Nr. 8977/1 Prot.

Roskovec 24. 10. 2025

Lënda: RELACION PËR MIRATIMIN E DOKUMENTIT "PLANI VENDOR I EMERGJENCAVE CIVILE 2025-2030" NË TERRITORIN E BASHKISË ROSKOVEC

Hartimi i dokumentit "Plani Vendor i Emergjencave Civile 2025-2028", në territorin e Bashkisë Roskovec, sipas kërkesave të ligjit nr. 45/2019 datë 18.07.2019 "Për Mbrojtjen Civile".

Qëllimi:

1. Plani Vendor i Emergjencave Civile synon pikësisht të mbrojë jetët njerëzore dhe të garantojë sigurinë dhe mirëqënien e banorëve gjatë EC dhe fatkeqësive, duke minimizuar dëmtimin e pronës dhe infrastruktures, trashëgimisë kulturore, gjësë së gjallë, komuniteteve dhe mjedisit. Këto objektiva janë në funksion të garantimit të vazhdimësisë duke ruajtur shërbimet dhe funksionet thelbësore gjatë dhe pas emergjencave apo fatkeqësive që mund të prekin bashkinë. PVEC i bashkisë Roskovec ka si objektiv madhor rritjen e aftësisë ripërtëritëse të komuniteteve vendore për të përballuar emergjencat dhe fatkeqësitë, si dhe garantimin e rimëkëmbjes së këtyre komuniteteve vendore pas fatkeqësive.
2. Bashkia Roskovec me qëllim hartimin e dokumentit "Plani Vendor i Emergjencave Civile" sipas kërkesave të ligjit nr. 45/2019 date 18.07.2019 "Për Mbrojtjen Civile", miratoi Urdhrin nr. 10, me nr. 457 prot. "Për krijimin dhe funksionimin e Grupit Teknik të punës Bashkie për e hartimin e "Strategjisë Vendore për Zvogëlimin e Rriskut nga Fatkeqësitë" dhe "Planit Vendor,për Emergjencat Civile". Me grupin teknik të punës që ngarkohej që të punonte së bashku me kompanitë e përzgjedhura për përgatitjen dokumentave " Strategjisë Vendore për Zvogëlimin e Rriskut nga Fatkeqësitë" dhe "Planit Vendor,për Emergjencat Civile",
3. Në hartimin e këtij dokumenti, Grupi Teknik në nivel Bashkie për procesin e hartimit të Dokumenteve Strategjike për zvogëlimin e riskut nga fatkeqësitë dhe planin vendor 2024-2030, në koordinim me Agjencinë Kombëtare të Mbrojtjes Civile, Prefektit të Qarkut, u mbështet nga kompania konsulente në kuadër të projektit RESEAL të UNDP.

4. Gjatë periudhës së punës së këtij Grupi Teknik:

* U grumbullua gjithë informacioni i nevojshëm mbi risqet e mundshme nga përmbytjet, tërmetet, zjarret në pyje, rrëshqitjet e tokës, ndotjet teknologjike, industriale dhe risqet biologjike që janë prezentë në territorin e Bashkisë Roskovec.

* U bë studim i gjithë zonave me risk të shtuar të fatkeqësive duke pyetur komunitetin e zonave të banimit, bizneset dhe grupet e interesit.

* U zhvilluan takime me persona kyç dhe u plotësuan pyetësorë për të marrë të dhënat reference për hartimin e strategjise.

* Grupi i punës, i mbështetur nga kompania konsulente, hartoi dokumentin bazuar në të dhënat e mbledhura dhe konsultimet e kryera.

5. Gjatë periudhës së punës së këtij Grupi Teknik u bëne disa dëgjesa publike, veçanërisht për konsultimin e planit të veprimit me qëllim rregullimin e pasaktësive të mundshme dhe finalizimin e dokumentit. Në këto dëgjesa u ftuan të mermin pjesë komuniteti lokal, bizneset dhe grupet e interesit, duke siguruar një përfshirje të plotë dhe të gjithanshme.

6. Dëgjesat publike dhe takimet me komunitetin lokal, bizneset dhe grupet e interesit ndihmuan në diskutimin dhe rafinimin e draftit përfundimtar. Këto konsultime siguruan identifikimin e sfidave kryesore dhe përfshirjen aktive të të gjithë aktorëve të rëndësishëm në procesin e hartimit të dokumentit.

7. Për të siguruar një qasje të koordinuar në nivel rajonal, u organizuan takime ndërmjet kryetarëve të bashkive të Qarkut Fier dhe Prefektit. Synimi ishte integrimi i Zvogëlimit të Riskut nga Fatkeqësite në politikat dhe planet rajonale, duke siguruar harmonizimin e strategjisë vendore me objektivat me të gjera të qarkut.

8. Me përfundimin e dëgjesës së fundit të zhvilluar 24.10.2025 u mbyll cikli i dëgjesave dhe Grupi Teknik finalizoi dokumentin në përputhje me kërkesat e ligjit nr. 45/2019, datë 18.07.2019 "Për Mbrojtjen Civile". Dokumenti reflekton kontributet e marra gjatë procesit të konsultimit dhe synon të përmirësojë aftësinë e bashkisë për të menaxhuar dhe zvogëluar risqet nga fatkeqësite. Në këtë dëgjesë u morën sugjerime lidhur me afatin kohor të këtij plani ku u propozua që Plani i Emergjencave Civile të jetë me një afat 2025-2030, me të drejtë rishikimi edhe brenda këtij afati, Sipas procesverbalit të mbajtur me numër ____prot. datë 24.10.2025 u bën edhe ndryshimet e kërkuara.

9. Dokumenti do të shërbejë si një udhërrëfyes kyç për Planifikimin e Zhvillimit Urban. Ky integrim do të sigurojë që planifikimi urban dhe zhvillimi i bashkisë të marrë në konsideratë rreziqet natyrore dhe mjedisore, duke mbrojtur komunitetin dhe duke rritur qëndrueshmërinë e tij.

10. Ky dokument është themelor për përmirësimin e aftësisë së bashkisë për të menaxhuar risqet nga fatkeqësitë, por në përputhje me kërkesat e ligjit nr. 45/2019, ai duhet të rishikohet dhe përmiresohet vazhdimisht, për tu përshtatur me ndryshimet e mundshme në sfidat dhe rreziqet që mund të shfaqen.

11. Grupi Teknik vlerëson se dokumenti Plani Vendor i Emergjencave Civile 2025-2028", është i përfunduar dhe përfaqëson një dokument cilësor që i paraqitet kësaj bashkie, ndaj mendojmë dhe kërkojmë miratimin e tij nga Keshilli i Bashkisë Roskovec.

Në përfundim, në bazë të legjislacionit të sipërcituar, i kërkojmë Këshillit Bashkiak Roskovec :

- Miratimin e "Plani Vendor i Emergjencave Civile në Bashkinë Roskovec 2025-2030

Duke ju falenderuar për mirëkuptimin!

Konceptoi: A. Toska

Miratoi: A. Dukaj

Konfirmoi: M. Goga

KRYETAR

Majlinda Bufi